



სსიპ - დავით აღმაშენებლის სახელობის
საქართველოს ეროვნული თავდაცვის აკადემია



2026 - 2028 სასწავლო წლის
უსაფრთხოების კვლევების
სამაგისტრო საგანმანათლებლო პროგრამის
გზამკვლევი



სარჩევი

1. სამაგისტრო საგანმანათლებლო პროგრამის მიმოხილვა
 - 1.1 სამაგისტრო საგანმანათლებლო პროგრამის ზოგადი აღწერილობა
 - 1.2 სამაგისტრო საგანმანათლებლო პროგრამის სასწავლო კურსები
 - 1.3 სამაგისტრო საგანმანათლებლო პროგრამის მიზანი
 - 1.4 სამაგისტრო საგანმანათლებლო პროგრამის აქტუალობა
 - 1.5 სამაგისტრო საგანმანათლებლო პროგრამაზე დასწრების მეთოდი
2. სამაგისტრო საგანმანათლებლო პროგრამაზე ჩარიცხვის წინაპირობა
 - 2.1 შესარჩევი კანდიდატები
 - 2.2 სამაგისტრო საგანმანათლებლო პროგრამაზე ჩარიცხვა
 - 2.2.1 სამაგისტრო საგანმანათლებლო პროგრამაზე ჩარიცხვის ეტაპები
 - 2.2.2 სამაგისტრო საგანმანათლებლო პროგრამის კვოტები
3. შეფასების სისტემა
4. სამაგისტრო საგანმანათლებლო პროგრამის წარმატებით დასრულების შემდეგ კურსდამთავრებულთა შესაძლებლობები
5. დასაქმების სფერო
6. სწავლის გაგრძელების შესაძლებლობა



1. სამაგისტრო საგანმანათლებლო პროგრამის მიმოხილვა

1.1. სამაგისტრო საგანმანათლებლო პროგრამის ზოგადი აღწერილობა:

- სამაგისტრო საგანმანათლებლო პროგრამის დასახელება: უსაფრთხოების კვლევები/
Security Studies;

- სამაგისტრო საგანმანათლებლო პროგრამა შედგება 2 ნაწილისაგან:

ნაწილი I - მისანიჭებელი კვალიფიკაცია: უსაფრთხოების კვლევების მაგისტრი / **Master of Security Studies;**

ნაწილი II – მისანიჭებელი კვალიფიკაცია - კვლევის მაგისტრი უსაფრთხოების კვლევებში / **Master of Research (MRes) in Security Studies;**

- პროგრამის საერთო მოცულობა კრედიტებით: **120 ECTS კრედიტი**, მათ შორის;

ნაწილი I - **60 კრედიტი;**

ნაწილი II - **60 კრედიტი.**

- პროგრამის ხანგრძლივობა:

ნაწილი I - 1 (ერთი) წელი - 2 სემესტრი. ნაწილი I პირველ და მეორე სემესტრებში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიუმში, ასევე აკადემიაში არსებული ელექტრონული სასწავლო პლატფორმების გამოყენებით).

ნაწილი II – 1 (ერთი) წელი - 2 სემესტრი. ნაწილი II , პირველ სემესტრში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიუმში, ასევე აკადემიაში არსებული ელექტრონული სასწავლო პლატფორმების გამოყენებით), ხოლო მე-2 სემესტრში - არარეზიდენტულად (დაუსწრებელი).

1.2. სამაგისტრო საგანმანათლებლო პროგრამის შემადგენელი სასწავლო კურსები:

1.2.1. ნაწილი I

სავალდებულო სასწავლო კურსები:

1. ეროვნული უსაფრთხოების არქიტექტურა;
2. სახელმწიფო უსაფრთხოება;
3. საგარეო პოლიტიკის ანალიზი;



4. აკადემიური წერა მაგისტრანტებისთვის;
5. სტრატეგიის კურსი;
6. ჰიბრიდული ომი;
7. დაზვერვა და ინფორმაციის ანალიზი;
8. თავდაცვის პოლიტიკის დაგეგმვა.

არჩევითი სასწავლო კურსები:

1. რუსეთის საგარეო პოლიტიკა და უსაფრთხოება;
2. საერთაშორისო კონფლიქტები;
3. საერთაშორისო ორგანიზაციები მსოფლიო პოლიტიკურ პროცესებში;
4. საერთაშორისო ურთიერთობების ისტორია ENG;
5. ეკონომიკური უსაფრთხოება;
6. ტერორიზმი;
7. ომის ფილოსოფია;
8. საქართველოს საგარეო პოლიტიკა;
9. „რუხი ზონები“ და საერთაშორისო უსაფრთხოების გამოწვევები.

1.2.2. ნაწილი II

სამაგისტრო საგანმანათლებლო პროგრამის შემადგენელი სასწავლო კურსები:

სავალდებულო სასწავლო კურსები:

1. აშშ-ს საგარეო პოლიტიკა;
2. კიბერუსაფრთხოება;
3. შავი ზღვის რეგიონის უსაფრთხოება;
4. კვლევის მეთოდები და დიზაინი;
5. სამაგისტრო ნაშრომი.

არჩევითი სასწავლო კურსები:

1. „თანამედროვე მსოფლიო წესრიგი, ძალოვანი პოლიტიკა და ახალი სტრატეგიული მეტოქეობა“;
2. საერთაშორისო ჰუმანიტარული სამართალი;
3. ცივი ომის მსოფლიო პოლიტიკა;
4. რეგიონალური უსაფრთხოება;
5. გეოპოლიტიკა.



1.3. სამაგისტრო საგანმანათლებლო პროგრამის მიზანი

უსაფრთხოების კვლევების სამაგისტრო საგანმანათლებლო საგანმანათლებლო პროგრამის მიზანს წარმოადგენს:

- თანამედროვე და ინოვაციური სწავლების მეთოდების გამოყენებით, მოამზადოს მაღალი კვალიფიკაციის მქონე კადრები (ოფიცრები, მკვლევრები, ანალიტიკოსები, უსაფრთხოების სპეციალისტები და ა.შ.) თავდაცვისა და უსაფრთხოების სექტორისთვის (სახელმწიფო სტრუქტურებისთვის), რომლებიც ფლობენ ეროვნულ უსაფრთხოებასთან დაკავშირებული ფუნდამენტური საკითხების სიღრმისეულ ცოდნას, არსებული გამოწვევების კვლევისა და ანალიზის მეთოდებს და პრობლემის გადაჭრის გზებს (I-II ნაწილი).
- უზრუნველყოს მსმენელთა მიერ საფუძვლიანი ცოდნის მიღება ეროვნული უსაფრთხოების პოლიტიკის შემუშავებისა და განხორციელების უმნიშვნელოვანესი კომპონენტების, სახელმწიფოს მართვის სისტემაში უსაფრთხოების სისტემის როლისა და არქიტექტურის, ფუნდამენტური დოკუმენტების, აგრეთვე უსაფრთხოების პოლიტიკის დაგეგმვისა და გადაწყვეტილების მიღების პროცესის შესახებ (I-II ნაწილი).

1.4. სამაგისტრო საგანმანათლებლო პროგრამის აქტუალობა

თანამედროვე გამოწვევები, რომელთა წინაშეც დგას საქართველოს თავდაცვის ძალები და საქართველოს უსაფრთხოების სექტორი, საჭიროებს ისეთი პროფესიონალების მომზადებას, რომლებიც ფლობენ უსაფრთხოების სფეროს ფუნდამენტურ ცოდნასა და შესაბამის პროფესიულ კომპეტენციებს, შეუძლიათ ახალ და გაუთვალისწინებელ გარემოში მოქმედება, უსაფრთხოების გამოწვევების ანალიზი და კომპლექსური პრობლემების ეფექტიანი გადაწყვეტა. პროგრამა ასევე ორიენტირებულია კრიზისების მართვის, უწყებათაშორისი კოორდინაციისა და უსაფრთხოების სექტორის პრაქტიკული შესაძლებლობების განვითარებაზე, რაც ხელს უწყობს ეროვნული უსაფრთხოების სისტემის ეფექტიან ფუნქციონირებას (I – II ნაწილი).

უსაფრთხოების გარემოს სწრაფი ტრანსფორმაცია და თანამედროვე საფრთხეების კომპლექსური ხასიათი განაპირობებს უსაფრთხოების კვლევების სფეროში აკადემიური და კვლევითი კომპეტენციების გაძლიერების აუცილებლობას. პროგრამის II ნაწილი ორიენტირებულია ისეთი მკვლევრების მომზადებაზე, რომლებსაც შეუძლიათ უსაფრთხოების საკითხების სიღრმისეული და კრიტიკული ანალიზი, თანამედროვე კვლევის



მეთოდების გამოყენებით დამოუკიდებელი აკადემიური კვლევების განხორციელება, მტკიცებულებაზე დაფუძნებული დასკვნებისა და პრაქტიკულად ორიენტირებული რეკომენდაციების შემუშავება თავდაცვისა და უსაფრთხოების სფეროში (II - ნაწილი).

1.5. სამაგისტრო საგანმანათლებლო პროგრამაზე დასწრების მეთოდი

1.5.1. სასწავლო სემესტრის განმავლობაში პროგრამაზე სწავლა მიმდინარეობს ჰიბრიდული სწავლების (როგორც აუდიტორიებში, ასევე სხვადასხვა სასწავლო პლატფორმების გამოყენებით) მეთოდით, რომელიც წარმოადგენს საჯარო მოსამსახურეებისათვის ოპტიმალურად მორგებულ სწავლების რეჟიმს.

1.5.2 სასწავლო სემესტრის განმავლობაში სალექციო პროცესი მიმდინარეობს შემდეგი თანმიმდევრობით:

- ძირითადი სასწავლო კურსები (დღეში 2 სასწავლო კურსი) მიმდინარეობს სასწავლო კვირის პარასკევს და შაბათ დღეს. საპატიო მიზეზის არსებობის შემთხვევაში მსმენელებს შესაძლებლობა აქვთ დაესწრონ ლექციებს აკადემიაში არსებული ელექტრონული სასწავლო პლატფორმების გამოყენებით.
- არჩევითი სასწავლო კურსები ტარდება კვირის სამუშაო დღეებში, დღის სამუშაო საათების დასრულების შემდგომ (18:00 საათის შემდეგ) ჰიბრიდული სწავლების მეთოდის შესაძლებლობით.

1.5.3. სამაგისტრო საგანმანათლებლო პროგრამის II ნაწილის მე-2 სემესტრში, მსმენელები (ხელმძღვანელის/თანახელმძღვანელის მენტორობით) დამოუკიდებლად მუშაობენ სამაგისტრო ნაშრომზე, დაუსწრებელ რეჟიმში.

2. სამაგისტრო საგანმანათლებლო პროგრამაზე ჩარიცხვის წინაპირობა

2.1. შესარჩევი კანდიდატები:

ნაწილი - I

- პროგრამაზე სწავლის მსურველებს უნდა ჰქონდეთ არანაკლებ ბაკალავრის ან მასთან გათანაბრებული აკადემიური ხარისხი;
- საქართველოს თავდაცვის სამინისტროს სისტემის სამხედრო მოსამსახურე, სამოქალაქო და სახელმწიფო სპეციალური წოდების მქონე მოსამსახურე პირები;
- პროგრამაზე ასევე დაიშვებიან უსაფრთხოების სექტორის და სახელმწიფო სტრუქტურების მოქმედი თანამშრომლები;



- საქართველოს მოქალაქეობის მქონე სამოქალაქო პირები.

შესარჩევი კანდიდატები:

ნაწილი - II

(საქართველოს განათლების, მეცნიერებისა და ახალგაზრდობის მინისტრის 2026 წლის 15 მაისის N 65/ნ ბრძანების თანახმად).

- პროგრამის 60 კრედიტის მოცულობის პირველ ნაწილზე სამაგისტრო გამოცდებით ჩარიცხული პირი, რომელიც დაასრულებს აღნიშნულ ნაწილს, უფლებამოსილია სამაგისტრო გამოცდების ჩაბარების გარეშე გააგრძელოს სწავლა აკადემიის არანაკლებ 120-კრედიტიანი იმავე პროგრამის 60 კრედიტის მოცულობის მეორე ნაწილზე, თუ პირველ ნაწილზე ჩარიცხვიდან არ არის გასული 5 წელი. აღნიშნული ვადის გასვლის შემდეგ, არანაკლებ 120 კრედიტიანი იმავე პროგრამის 60 კრედიტის მოცულობის მეორე ნაწილზე ჩარიცხვისთვის, პირი ვალდებულია ჩააბაროს სამაგისტრო გამოცდა.
- სხვა უმაღლესი საგანმანათლებლო დაწესებულების არანაკლებ 120-კრედიტიან იმავე სამაგისტრო საგანმანათლებლო პროგრამის 60 კრედიტის მოცულობის მეორე ნაწილზე ჩარიცხვისთვის პირი, რომელმაც დაასრულა უმაღლესი საგანმანათლებლო დაწესებულების არანაკლებ 120-კრედიტიანი სამაგისტრო საგანმანათლებლო პროგრამის 60 კრედიტის მოცულობის პირველი ნაწილი, ვალდებულია ჩააბაროს სამაგისტრო გამოცდა.

2.2. სამაგისტრო საგანმანათლებლო პროგრამაზე ჩარიცხვა

2.2.1. სამაგისტრო საგანმანათლებლო პროგრამაზე ჩარიცხვის ეტაპები

სამაგისტრო საგანმანათლებლო პროგრამაზე ჩასარიცხად კანდიდატებმა:

- უნდა განახორციელონ ერთიანი ეროვნულ გამოცდებზე რეგისტრაცია 2026 წლის 6 აპრილიდან 11 მაისის ჩათვლით (ერთიანი ეროვნული გამოცდების საერთო სამაგისტრო გამოცდისათვის რეგისტრაცია მიმდინარეობს online, შეფასებისა და გამოცდების ეროვნული ცენტრის ვებგვერდზე www.naec.gov.ge; online.naec.ge. ზუსტი ინფორმაცია საჭირო ქმედებების შესახებ განთავსებული იქნება ცენტრის ვებ - გვერდზე);



- წარმატებით უნდა ჩააბარონ ერთიანი ეროვნული გამოცდების საერთო სამაგისტრო გამოცდა;
- წარმოადგინონ ინგლისური ენის ცოდნის B2 (NATO-ს სტანდარტი STANAG 2/2/2/2) დონის დამადასტურებელი დოკუმენტი ან ჩააბარონ აკადემიის მიერ ორგანიზებულ ინგლისური ენის გამოცდა.

შენიშვნა: STANAG 2/2/2/2 (სტანაგის თაობაზე ინფორმაცია იხილეთ თავდაცვის სამინისტროს ინტერნეტ გვერდზე - <https://mod.gov.ge/ge/page/116/stanag-6001> ან თავდაცვის სამინისტროს შიდა პორტალზე - pd-mil.ge/english-text).

კანდიდატს ენის ცოდნის დასადასტურებლად შეუძლია წარმოადგინოს ენის ცოდნის შესაბამისი დონის დამადასტურებელი სერტიფიკატი მინიმუმ CEF B2 (ან შესაბამისი დონის TOEFEL/ILTS/ECL ან სხვა საერთაშორისო ინგლისური ენის გამოცდა) ან წარმოადგინონ დიპლომი/სერტიფიკატი, რომელიც ადასტურებს, რომ გავლილი აქვთ ინგლისურენოვანი უმაღლესი საგანმანათლებლო პროგრამა ან სამხედრო საკარიერო კურსი (CCC, CGSC, WAR COLLEGE და ა.შ.);

- წარმატებით უნდა ჩააბარონ მისაღები გამოცდა სპეციალობაში (მისაღები გამოცდის თემატიკა გამოქვეყნდება აკადემიის ვებ-გვერდზე შიდა გამოცდის თარიღამდე ორი კვირით ადრე);

შენიშვნა: პროგრამის I და II ნაწილებზე სამაგისტრო გამოცდების გავლის გარეშე პირი ირიცხება საქართველოს მოქმედი კანონმდებლობის შესაბამისად.

2.2.2. სამაგისტრო საგანმანათლებლო პროგრამის კვოტები:

პროგრამის I და II ნაწილებზე, თითოეული სასწავლო წლისათვის ცალ-ცალკე, განსაზღვრულია 20 მისაღები ადგილი, რომელიც შემდეგნაირადაა გადანაწილებული:

- საქართველოს თავდაცვის სამინისტროს სისტემის სამხედრო მოსამსახურეები, საქართველოს თავდაცვის სამინისტროს სისტემაში შემავალი სამოქალაქო და სპეციალური წოდების მქონე პირები - **10 მისაღები ადგილი;**
- საქართველოს სახელმწიფო უწყებების თანამშრომლები - **5 მისაღები ადგილი;**
- სამოქალაქო პირები - **5 მისაღები ადგილი.**
- თუ სამხედრო/სამოქალაქო მოსამსახურეების რაოდენობა აღემატება პროგრამისათვის არსებული ადგილების რაოდენობას, მისაღები გამოცდის შედეგების მიხედვით შექმნილი



რეიტინგის შესაბამისად, პროგრამაზე ჩაირიცხება უფრო მაღალი მაჩვენებლის მქონე სამხედრო/სამოქალაქო მოსამსახურე.

- რომელიმე სახელმწიფო უწყებიდან კანდიდატის არ არსებობის ან საგამოცდო მინიმუმის ვერ გადალახვის შემთხვევაში მათი კვოტა დაემატება თავდაცვის სამინისტროს (მისაღები გამოცდის შედეგების მიხედვით შექმნილი რეიტინგის შესაბამისად, კურსზე ჩაირიცხება უკეთესი შეფასების მაჩვენებლის მქონე სამხედრო მოსამსახურე).

შენიშვნა: შენიშვნა: მსმენელთა ჩასარიცხ ადგილებზე კვოტების განაწილება რეგულირდება საქართველოს თავდაცვის მინისტრის ინდივიდუალურ - სამართლებრივი აქტით.

3. შეფასების სისტემა

უსაფრთხოების კვლევების საგანმანათლებლო პროგრამის მაგისტრატურის მსმენელის ცოდნის შეფასება ხდება „უმაღლესი საგანმანათლებლო პროგრამების კრედიტების გაანგარიშების წესის დამტკიცების შესახებ“, საქართველოს განათლებისა და მეცნიერების მინისტრის 2007 წლის 5 იანვრის N3 ბრძანების შესაბამისად; მაგისტრატურის მსმენელთა დატვირთვა მოიცავს: ლექციაზე, სემინარზე დასწრებას, სამუშაო ჯგუფში მუშაობას, პრაქტიკულ მეცადინეობას, დამოუკიდებელ მუშაობას, სამეცნიერო-კვლევით კომპონენტზე (სამაგისტრო ნაშრომი და სხვა.) მუშაობას, სამაგისტრო ნაშრომის დაცვას, სხვა სახის საქმიანობას პროგრამის სპეციფიკიდან გამომდინარე.

შეფასების სისტემა ითვალისწინებს ხუთი სახის დადებით შეფასებას:

- ა) (A) ფრიადი – შეფასების 91-100 ქულა;
- ბ) (B) ძალიან კარგი – მაქსიმალური შეფასების 81-90 ქულა
- გ) (C) კარგი – მაქსიმალური შეფასების 71-80 ქულა;
- დ) (D) დამაკმაყოფილებელი – მაქსიმ შეფასების 61-70 ქულა;
- ე) (E) საკმარისი – მაქსიმალური შეფასების 51-60 ქულა;

არსებობს ორი უარყოფითი შეფასება:

- ა) (FX) ვერ ჩააბარა – მაქსიმალური შეფასების 41-50 ქულა რაც ნიშნავს, რომ მაგისტრატურის მსმენელს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა.

მაგისტრატურის მსმენელის სტატუსის შეწყვეტის საკითხს განიხილავს აკადემიური



საბჭო.

მაგისტრატურის მსმენელს უფლება აქვს გავიდეს დამატებით გამოცდაზე სასწავლო კურსში - FX-შეფასების მიღების შემთხვევაში დასკვნითი გამოცდის შედეგების გამოცხადებიდან არანაკლებ 5 დღეში.

მაგისტრატურის მსმენელთა ცოდნის შეფასების პროცესში გამოყენებული შეფასების მეთოდები სრულ შესაბამისობაშია როგორც მთლიანად პროგრამით, ისემისი ცალკეული კომპონენტით განსაზღვრულ სწავლის შედეგებთან, დარგობრივ და ზოგად (ტრანსფერულ) კომპეტენციებთან. შეფასების კომპონენტები და კრიტერიუმები გაწერილია ცალკეული სასწავლო კურსის სილაბუსში.

მაგისტრატურის მსმენელთა ცოდნის შეფასება ხდება 100 - ქულიანი სისტემით. შეფასება ითვალისწინებს: შუალედურ და დასკვნით შეფასებებს, რომელთა ჯამი წარმოადგენს საბოლოო შეფასებას; შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი. შეფასების კომპონენტები, მეთოდები და კრიტერიუმები გაწერილია საგანმანათლებლო პროგრამის სილაბუსებში.

დასკვნით გამოცდაზე გასვლის უფლება ეძლევა მაგისტრატურის მსმენელს, რომელსაც შუალედური შეფასებებისა და დასკვნითი გამოცდის მაქსიმალური ქულის გათვალისწინებით უგროვდება 51 ქულა.

პროგრამების სასწავლო კომპონენტებში შუალედური და დასკვნითი შეფასებისა და შუალედური შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომი ფასდება ერთჯერადად (დასკვნითი შეფასებით). დასკვნითი შეფასება მოიცავს სამაგისტრო ნაშრომის ხელმძღვანელის შეფასებას (20 ქულა), რეცენზენტის შეფასებას (30 ქულა) და სამაგისტრო ნაშრომის შეფასებას საჯარო დაცვაზე (50 ქულა).

კრედიტის მიღების მოთხოვნაა მაქსიმალური (100) ქულიდან 51 ქულის ან მეტის მიღება.

სამაგისტრო ნაშრომის დაცვამდე მაგისტრატურის მსმენელმა უნდა შეასრულოს შემდეგი აქტივობები:

- მოამზადოს მინიმუმ 1 პუბლიკაცია და გამოაქვეყნოს სამეცნიერო ჟურნალში;
- ან მონაწილეობა მიიღოს მინიმუმ 1 სტუდენტურ სამეცნიერო კონფერენციაში.



4. სამაგისტრო საგანმანათლებლო პროგრამის გავლის შემდეგ კურსდამთავრებულთა შესაძლებლობები:

სამაგისტრო საგანმანათლებლო პროგრამის კურსდამთავრებულს აქვს შემდეგი ზოგადი (ტრანსფერული) და დარგობრივი კომპეტენციები:

- ალწერს, ღრმად და სისტემურად ფლობს და იაზრებს უსაფრთხოების კვლევის კონცეფციებსა და თეორიებს (I- ნაწილი);
- აცნობიერებს და იაზრებს თანამედროვე გლობალური უსაფრთხოების გარემოს, მის თავისებურებებს, განვითარების პერსპექტივებს, ძირითად ტენდენციებსა და გამოწვევებს (I-II ნაწილი);
- კრიტიკულად იაზრებს ეროვნული უსაფრთხოების სტრატეგიებსა და კონცეფციებს, ადგენს მათ შორის ურთიერთკავშირს (II- ნაწილი);
- აფასებს თანამედროვე ცვალებად უსაფრთხოების გარემოს, უზრუნველყოფს დასახული ამოცანების განხორციელებას ეროვნული ძალის ინსტრუმენტების გამოყენებით (I- ნაწილი);
- აანალიზებს თავდაცვის და უსაფრთხოების პოლიტიკას, მის დაგეგმვაში იღებს აქტიურ მონაწილეობას და დამოუკიდებლად ატარებს კვლევას ამ მიმართულებით (I-II ნაწილი);
- ხელს უწყობს პროფესიული საქმიანობის განვითარებას ეროვნული უსაფრთხოების სფეროში რეკომენდაციებითა და ინიციატივებით (I-II ნაწილი);
- გამოიმუშავებს ქმედითი, ზეპირი და წერიტი კომუნიკაციის უნარს (I-II ნაწილი);
- აანალიზებს სწრაფად ცვალებად გარემოში არასრული ინფორმაციული სურათის პირობებს, იღებს კრიტიკული აზროვნების საფუძველზე სწორ და ლოგიკურად არგუმენტირებულ გადაწყვეტილებებს (II ნაწილი);
- არგუმენტირებულად განიხილავს, აფასებს და სიღრმისეულად აანალიზებს ეროვნული თავდაცვის პოლიტიკის, რეგიონული და საერთაშორისო უსაფრთხოების ასპექტების ძირითად პრინციპებს (I - II ნაწილი);
- მიღებული ცოდნის საფუძველზე თანმიმდევრულად წარმართავს სწავლის პროცესს და დამოუკიდებლად განსაზღვრავს მის შემდგომ სასწავლო მოთხოვნებს (I - II ნაწილი);



- იღებს პასუხისმგებლობას საკუთარი, სხვების საქმიანობასა და პროფესიულ განვითარებაზე, ქმნის პირობებს საერთო გუნდური გადაწყვეტილების მისაღწევად (I - II ნაწილი).

5. დასაქმების სფერო

სსიპ - დავით აღმაშენებლის სახელობის საქართველოს ეროვნული თავდაცვის აკადემიის დამკვეთია საქართველოს თავდაცვის ძალები და საქართველოს თავდაცვის სამინისტრო. პროგრამის კურსდამთავრებულები დასაქმდებიან სტრატეგიულ პოლიტიკურ სფეროში, უსაფრთხოების სექტორში, საგარეო საქმეთა სამინისტროსა და უსაფრთხოებასთან დაკავშირებულ სხვა სამთავრობო უწყებებსა და ორგანიზაციებში კვალიფიკაციის შესაბამის პოზიციებზე, რომლებსაც სჭირდებათ ექსპერტული ცოდნა უსაფრთხოების პოლიტიკის მიზნებთან და თავდაცვის მიმართულებებთან დაკავშირებით. თავდაცვის სექტორთან ერთად, კურსდამთავრებულებს შეუძლიათ დასაქმდნენ სამოქალაქო სექტორშიც: კვლევით და კერძო ორგანიზაციებში, რომელიც სპეციალიზებულია უსაფრთხოების და თავდაცვის საკითხებში, კონტრტერორისტულ პოლიტიკაში და სხვა. კურსდამთავრებულებს შეეძლებათ ეროვნული თავდაცვის საკითხების, უსაფრთხოების კვლევებისა და პოლიტიკური კვლევების განხორციელებაში მონაწილეობა და იმ ძირითად სფეროებში მუშაობა, სადაც ორიენტაცია აღებულია ეროვნულ უსაფრთხოებაზე, უსაფრთხოებისა და თავდაცვის მიმართულების ჩამოყალიბებასა და განხორციელებაზე.

6. სწავლის გაგრძელება შესაძლებლობა

პროგრამის I ნაწილის კურსდამთავრებულს საშუალება აქვს სწავლა გააგრძელოს სამაგისტრო საგანმანათლებლო პროგრამის II ნაწილზე. (როგორც აკადემიაში, ასევე სხვა უსდ-ში საქართველოს მოქმედი კანონმდებლობის შესაბამისად).

პროგრამის II ნაწილის კურსდამთავრებულს შეუძლია სწავლის გაგრძელება აკადემიური უმაღლესი განათლების მესამე საფეხურზე - დოქტორანტურაში როგორც საქართველოში, ისე საზღვარგარეთ.

საკონტაქტო პირები:

მაგისტრატურის ხელმძღვანელი

პოლკოვნიკი ირაკლი უჩაძე

ელ ფოსტა: iuchadze@mod.gov.ge



ტელ: +995 577 91980

უსაფრთხოების კვლევების

მიმართულების უფროსი

ვიცე - პოლკოვნიკი ლევან გოზალიშვილი

ელ. ფოსტა: lgozalishvili@mod.gov.ge

ტელ: +995 577 197421